

# ԳԻՏՈՒԹՅՈՒՆՆԵՐԻ ԱԿՏԻՄԻԱՅԻ ՏԱՐԵԿԱՆ ՓՈՂՈՎԸ

Փետրվարի 25-ին տեղի ունեցավ Հայկական ՍՍՏ գիտությունների Ակադեմիայի տարեկան Ժողովը, որը սվիրված էր Ակադեմիայի 1947 թվի պիտական գործունեության արդյունքների ամփոփմանը և 1948 թվի գիտա-հետազոտական աշխատանքների պլանի հաստատմանը:

Ժողովին ներկա էին Գիտությունների Ակադեմիայի իսկական անդամները, թղթակից-անդամները, Ակադեմիայի ինստիտուտների ղեկավարները, գիտական աշխատողները:

Ներածական խոսք ասաց Հայկական ՍՍՏ Գիտությունների Ակադեմիայի պրեզիդենտ, Ակադեմիայի իսկական անդամ Վ. Համբարձումյանը:

Հայկական ՍՍՏ Գիտությունների Ակադեմիայի 1947 թվի աշխատանքների արդյունքների և 1948 թվի հետազոտական աշխատանքների պլանի մասին զեկուցեց Ակադեմիայի վիցե-պրեզիդենտ, Ակադեմիայի իսկական անդամ Վ. Գուլբանյանը:

Նա իր զեկուցման մեջ մեկ առ մեկ թվեց առանձին ինստիտուտների 1947 թվի ձեռք բերած հաջողությունները:

Խոսելով քիմիական ինստիտուտի մասին, նշեց, որ քիմիական գիտությունն իր տեսական և գործնական արդյունավետությամբ ետ է մնում քիմիական արդյունաբերության զարգացումից, որ քիմիայի ինստիտուտը, քիմիկոսները կապված չեն արդյունաբերության հետ:

Կարևոր աշխատանք է կատարվում չրա-էներգետիկ ինստիտուտում. «Սեմանի լճի մակերևույթի իջեցման հետ կապված բնական երևույթների ուսումնասիրությունը» պրոբլեմի գծով ուսումնասիրված է լճի մակերևույթի իջեցման ազդեցությունը Ջանգու գետի ավազանում գտնվող աղբյուրների ջրի ղինամիկայի վրա, հաստատված է, որ վերին խմբի աղբյուրները կապված են լճի հետ, մինչդեռ ներքին խմբի աղբյուրները, որոնք կարևոր են Արարատյան դաշտավայրի ջրամատակարարման համար, լճի հետ կապված չեն:

Այնուհետև զեկուցողը խոսեց բիոլոգիական գիտությունների բաժանմունքի աշխատանքների մասին:

Լավ է աշխատել երկրագործության ինստիտուտը: Այստեղ Գիտությունների Ակադեմիայի իսկական անդամ Մ. Թումանյանը ստացել է եգիպտացորենի արժեքավոր երկու նոր ձև, որոնցից մեկը բազմացվել է Արտաշատի շրջանի Այգեշատ գյուղի կոլխոզում և մեկ հեկտարից ստացվել է 53 ցենտներ հատիկ, իսկ մյուս տեսակը այս տարի բազմացվելու է ռեսպուբլիկայի մի շարք կոլխոզներում: Բացի այդ, ընկ. Թումանյանը հացաբույսերի ձևառաջացման պրոցեսների ուսումնասիրության ընթացքում ստացել է նաև ցորենների նոր տեսակներ: Այդ հնարավորություն է ըստեղծում լուծել կարծր ցորենների մշակման պրոբլեմը բարձր լեռնային շրջաններում, մի բան, որ մինչև այժմ չեն մշակվել լեռնային վայրերում: Երկրագործության ինստիտուտը օգտակար աշխատանք է կատարել գիտության և սոցիալիստական գյուղատնտեսության զարգացման համար, սակայն այս ուղղությամբ կան թերություններ, գյուղատնտեսության պրակտիկան հաճախ առաջ է անցնում գիտությունից:

Գինեգործության և խաղողագործության ինստիտուտի աշխատանքների մասին խոսելով, զեկուցողը ասաց. ինստիտուտում լուրջ կերպով չեն մշակվում խաղողի ագրոտեխնիկայի հարցերը որի հետևանքով գինեգոր-

ծության և խաղողագործության ինստիտուտը չի կարողացել լուրջ ազդեցություն ունենալ մեր ռեսպուբլիկայի գինեգործության և խաղողագործության վրա:

Այնուհետև անցնելով հասարակական գիտությունների բաժանմունքի աշխատանքներին, զեկուցողը մանրամասն նշեց ՀամԿ(Բ)Պ Կենտկոմի 1947 թվի օգոստոսի 27-ի պատմական որոշումների, ինչպես նաև ՀԿ(Բ)Պ Կենտկոմի «Հայաստանի պարտիական կազմակերպությունում իդեոլոգիական աշխատանքը բարելավելու միջոցառումների մասին» ծրագրային որոշումը Ակադեմիայի վերոհիշյալ բաժանմունքի աշխատանքներում իրագործելու մասին: Չեկուցողը նշեց, որ այս որոշումները մեծ խնդիրներ առաջադրեցին Գիտությունների Ակադեմիայի հասարակական գիտությունների բաժանմունքի առաջը Մեր աշխատանքներում հայտաբերվեցին լուրջ ներուժներ, մեր պատմության անցյալի իդեալականացման, ինչպես նաև եվրոպական ռեակցիոն կուլտուրայի առաջ ստորաքաղցության փաստերի առկայության հարցում: Հասարակական գիտությունների բաժանմունքը պետք է լուրջ ուշադրություն դարձնի սովետական թեմատիկայի հարցին: Այնուհետև ընկ. Գուլբանյանը հանգամանորեն նշեց գրականության, պատմության, լեզվի ինստիտուտների և փիլիսոփայության, տնտեսագիտության և արվեստի պատմության ու տեսության սեկտորների աշխատանքներում եղած թերությունները և այն միջոցառումները, որ ձեռնարկել է ՀԿ(Բ)Պ Կենտկոմը այդ թերությունները վերացնելու ուղղությամբ:

Այնուհետև ընկ. Գուլբանյանը մանրամասն խոսեց Գիտությունների Ակադեմիայի առանձին բաժանմունքների, ինստիտուտների 1948 թվի գիտա-հետազոտական աշխատանքների պլանի մասին:

Չեկուցումից հետո տեղի ունեցավ մտքերի փոխանակություն: Ելույթ ունեցան Հայկական ՍՍՏ Գիտությունների Ակադեմիայի իսկական անդամներ Գր. Ղափանցյանը, Ալ. Հակոբյանը, Ալ. Թամամչյանը, Հ. Թումիայանը, Ար. Շահինյանը, Թըղթակից անդամներ Գ. Դավթյանը, Ա. Ղարիբյանը և տեխնիկական գիտությունների թեկնածու Կ. Ստաևը: Ելույթ ունեցավ Ակադեմիայի պրեզիդենտ Վ. Համբարձումյանը:

Ելույթ ունեցողները նշեցին այն թերությունները, որոնք գոյություն ունեն Ակադեմիայի առանձին ինստիտուտներում: Հատկապես խոսում էին այն մասին, որ անհրաժեշտ է սերտ կապ ստեղծել գործարանների հետ: Նրանք պահանջում էին կապ պահպանել Միության այլ ռեսպուբլիկաների ակադեմիաների, ինչպես նաև ՍՍՏ-Գիտությունների Ակադեմիայի առանձին ինստիտուտների, առանձին գիտնականների հետ: Ելույթ ունեցողները միաժամանակ քննադատում էին կարգերի ընտրության հարցում գոյություն ունեցող թերությունները, հատկապես ասպիրանտների ընտրության, նշելով, որ հաճախ պատահական մարդիկ են ընդունվում ասպիրանտուրա, որոնք գիտա-հետազոտական աշխատանքի ունակություններ չեն ցուցաբերում:

Ակադեմիայի ընդհանուր ժողովը հաստատեց 1948 թվի գիտա-հետազոտական աշխատանքի պլանը: